

Rekordan broj korisnika Penzionerskog doma sa stacionarom



Javna ustanova Penzionerski dom sa stacionarom Zeničko-dobojskog kantona ovih je dana na smještaj primila 150-og korisnika usluga, što je rekordan broj stanara u toj ustanovi nakon proteklog rata u Bosni i Hercegovini.



Uspjeh je tim veći, kako ističe u izjavi za Fenu direktor Damir Jukić, kada se zna da je tek prije šest godina okončana kriza u bivšem Domu penzionera Zenica. Tada radnici nisu primali plaće niti su uplaćivani

doprinosi pa su se gomilala dugovanja i prema državi i dobavljačima te je, na inicijativu tadašnjeg ministra rada u Vladi ZDK Ivica Čurića, formirana nova ustanova. Radnici su, tada, također, pokazali veliku kooperativnost te odustali od tužbi za dugovanja.

-Zahvajući ustrajnom radu svih djelatnika i menadžmenta, ovih nam je dana broj korisnika porastao na 150. Sve naše obaveze izmirujemo redovno, a konstantno se trudimo poboljšati uvjete boravka i zdravstvene njege korisnika. To je i rezultirao, trenutnom, rekordnom popunjenošću – ističe direktor Jukić i dodaje da su u posljednjih 10 mjeseci broj korisnika povećali za 23 posto.

Uz sva vlastita ulaganja, nabavku vlastitog sanitetskog vozila i opreme, Jukić najavljuje kako imaju plan uvesti ekološki prihvatljivo grijanje te zamijeniti stolariju, čime bi ostvarili značajne uštede energije i novca.

-Međutim, sve ovo pada u vodu ukoliko Federalni zavod MIO/PIO ne produži ugovor o ustupanju objekta koji važi do naredne godine, kako ne bi 150 korisnika i 53 radnika morali ponovno na ulicu – upozorava direktor Jukić. (Fena, tl)

60

SHARES

[_ Share on Facebook](#)

[_ Tweet](#)

-

-

[Follow us](#)

[_ Share](#)

[_ Share](#)

[_ Share](#)

[_ Share](#)

[_ Share](#)

Date: 12-08-2019